

esperer que tout contentement, aussi en receurent ils les fruits qu'ils esperoient, i'auois l'honneur pour lors d'estre son compagnon & d'auoir part à ses soins, aussi me fist-il la faueur de m'en communiquer ses sentimens, & la bonne volonté qu'il auoit pour le service de nostre Seigneur en ceste affaire, i'eusse bien desiré deslors d'estre de la partie, si ma bonne volonté & mon insuffisance eussent merité cette grace, mais il en falloit de meilleurs que moy & capables d'un plus grand service, & par ainsi il me fallut auoir patience iusqu'en un autre temps, que Dieu courut d'un voile mes imperfections & furent nommez pour la Mission, le R. Pere Denis Iamet, pour Commissaire  
12 le || P. Iean Dolbeau, pour successeur en cas de mort, le P. Joseph le Caron, & le P. F. Pacifique du Pleffis, qui furent les quatre premiers Religieux qui passerent la mer pour la conuersion des peuples du Canada.

Mais pour ce que la chose estoit d'importance & qu'elle ne pouuoit estre bien faicte que par les voyes ordinaires & bien seantes aux Religieux de S. Francois, nous eufmes recours à Sa Saincteté pour en auoir les permissions necessaires, lequel agreant nostre zele en escriuit à son Nonce residant en Cour de France, duquel nosdits Religieux destinez pour la Mission receurent avec sa benediction, une permission verbale d'aller dans les terres infidelles & Canadiennes pour trauailler à leur conuersion, en attendant le Bref que par negligence on ne receut que deux ou trois ans après nostre entrée au Canada comme il se verra cy après.

*Guydo Bentivole, par la grace de Dieu & du S.*